


Jekabaara

Jamana Cikele ceman na musoman kunnatoniseben

Faamuya

yiriwatiñ



BALIKUKALAN BE SEN KAN "OHV" KONC



Dakunw

Le 2

Mogo ko-don be,
i ko-bee-don te

Le 4

Wote ka ca nk'a bee
na nafa don

Le 5

Otiwale "OHV" (Ba Joliba
lamini yiriwali baarada)

Le 7

Kafo jiginew n'u bolofaraw
"jiginew" labaara saniya

Le 10 ani 11

"Jenekaba dugu kunnafonié

Le 12

Ladilikan
Den be san

Ka se duguw ma

MCGO KO-DON BE, I KO-BEE-DON TE

Don te wele don na, nka don be da don ma.

Don te wele don na. O ye tijé wulibaliye. Nka don be da don ma. O fana yet tijé girin dɔye dère. 1991 san kalo folo kera balawu ni pangatan ani bɔne - n ni na fuu waatiw damine kalo ye. Fanga jugu lawulili keler waati kalo folo ; fasoden juguw nedea lakika bilali kene kan, o waatiw kalo folo ; karato setigwɔsen-kariliwaatikalo folo. 1991 san kalo folo de la, jahanama jiginbagga Malidenw kan, o tun b'a miiri la halibi ko fosi te digi Malidenw na. A nɔfemogow fana tun be ho-ha-ho la a kɔ, k'u kali a ye ko Mali ka politiki taasira te se ka minne fen were ma olu ka dabada kɔ ! Aa, yere negeen ye siramugu ye min ka di haali, nk'a b'a minbaga nen de wuranw sa. 1991 sankalo folo, lakolidenw, musow, cew, foroba baarada mɔgɔw ani kenyereyew ; Maliden bee, an bee lajelen new degenni daminera marifa cikan ni gelewuliuw ani adamaden jeni sisi kasa la. Obɛe kera k'a d'a kan an tun y'a nini dɔron de ko "1968 san kalo 11 tile 19" Tarawelekɛ ka yelema don a ka fanga la min b'a to o be bo mɔgonin damado berereben lenburubaya la, ka ke fasoden mɔgɔmiliyon 8 bee ta ye. AA, donte wele don na, nka don be da don ma dère !

San kelen o walew daminenen kɔ fe, Malidenw y'u ka hɔrɔnya kura sorɔlen sinsinwalew damine. Tarawelekɛ be min 1992 san in kalo foloin na ? A be dibiro de wa ? Owon, a be yen ani dibi were min ka fin ni kasobon dibi ye. A be nimisa dibi ro. A be nimisa dibi ro barisa ale y'a ban min ma salon, o lasabatisebenba sigi senkan hakilinan jini kera Malidenw fe 1992 san in kalo folo tile 12 ; politikiton caman hukumu méri sigi kera 1992 kalo folo tile 19. N'a diyara Ala ye fana, Malidenw b'u ka jemufanga peresidan folo sigilen dɔn


ka ben 1992 san kalo 3n tile 26 ma.

Tarawelekɛ ma sa dère. A be ko keta ninnu bee kalama. O de kama ani hamni ni "ni n tun y'a don" be mɔne fin na a ka kasobon kono. A kera jɔn de la sa mɔgɔ naloma kɔ min ma se k'a faamuya cogo si la ko jama be yɔro min, fanga bee be yen de" !

Don te wele don na, nka don be da don ma.

1991 san kalo folo, 1992 san kalo folo, Malidenw y'u sago sorɔ jahana-

da sera hakilinan jinini wote min ma san fe an ka jemufanga lasabatisebenba kun kan, n'o y'an ka sariyaba ye mɔgɔ hake 5.233.432 de tun ka kan k'o wote ke. Nka mɔgɔ hake 2.276.291 dɔron dey'okɛ. Ob'a jira ko mɔgɔ woteta tilance lakika ma wote. Mɔgɔ wotelenw na 19.751 y'u ka wote letiri foroko lankolon bila ; mɔgɔ 2.298.804 dijena ni sariyaba ye ; mɔgɔ 17.736 ma dijé n'a ye. An ka kan fana k'a dɔn ko mɔgɔ caman ka wotebaliya ju bora baaraw kono



Musa y'i ban jemufanga ma, Malidenw y'a k'a kɔkan

ma "tigi" kura kan an'u yere togolakow. Nka, hun, geleya ma ban de ! Aw be n jininka mun na. Tijé te ? jaati. Aw k'a dɔn yelema kelen in ma diya bee fana la de. Ni jama ko : aw ye girin ka da nson kan, mɔgɔ min ka dahirime dulonnen b'a la a fo deselen te na ke jenjunu tige ye minbagaw la de ? Aw dun ko cogo di ? Nin bee de kama, Malidenw ka kan k'u ka jemufanga sinsinbere ke jatemine ye. Ka jatemine ke u yere taabolo la walasa u kana fili, ka jatemine ke kereflaw la, walasa ka jemuganga nin-juguw bali ka sira sorɔ. Walasa aw k'o faamu, n

geleyasiraw de la, jamana jemaaw ma minnu kunben a cogo yere la. O geleyaw rɔkunbabadɔwyen ninnuye : mɔgɔ caman tun m'u ka wotesebenw sorɔ mɔgɔ caman tun t'a dɔn u ka wotebiro be yɔro min ; woteyɔrotun ka jan mɔgɔ caman yere fana na. Ayiwa mɔgɔ caman yere tun ma jemufanga wotesiraw faamu. A ka kan an ka tijé fo fana n'a foli ye ko geleya ninnu caman ju bora "paritiw" ka wulikajbaliya la joona walasa k'u ka mɔgɔ lafaamuya. Fen min ye mériw n'u kɔrosigw sigili ni depitew sigili wotew ye, n'a diyara Alaye, aw be n'o

Ka se duguw ma

kunkun n'o jenjenew don Jekabaara boko nata kono.

Sanni n ka jemukan in kunce n be kibaruya duma d'aw tulo kan. Owon dere, kibaruya dumanba ! O ye mun ye ? Oye de ko "OHV" fana donna an jenogon jekulu la k'a damine 1992 san kalo folo la. O fana ye don dalen ye don ma an bolo de, barisa 1991 san kalo folo, Ofisi fana sendonna an jenogon jekulu la. An be dugawu de ke sa, Ala ka "OHV" k'an siginogon n'an taamajogon an'an kokejogon ye. Kunnafo ni siratige la, "OHV" ye seneké baarada ye min be Bamako lamini na, Kulukoro mara kubeda naani kono minnu ye : Kulukoro kubeda, Bananba kubeda, Kangaba kubeda ani Kati kubeda. A kono baara fanba ye koorisene ni sirasene ani sumansene layiriwali ye. A kono baarraw josen kumbaba do ye balikukalan ye aw be na kunnafo si min kan boko in kono. An b'a fo ko : "OHV" i bisimila.

1992 san kalo folo kelen in kono, Afriki togolakupu 18n ntolatanw kera Senegali jamana kono. Afriki jamana tan ni fila ka ntolatanton tun b'o kene kan. O ntolatanton tan ni fila ye nogon labin-bin fo ka ko to nana fila bolo minnu ye Gana ntolatanton ye, n'o be wele ko : "Dolo finw" ani Konowari ntolatanton, n'o be wele ko "Konowari



Bi bi in na, Maliden kelen-kelen bee de ka baara be faso jo.

samaw". O nana sugandi ntolatan kera 1992 san kalo folo tile 26 (kardin). Kotora Konowari "samaw" bolo. Aw k'a don ko Afriki togolakupu 18n in ma namugalasogota de. Antolatanna a ne berebere yere de ma. Ladala ntolatan sanga 90 temenen ko, k'a soro Ganankaw ni Konowarikaw si ma sesila, waati-kuntaa-janyatannifana dadonna. O sanga kono, sebagia ma ye.

Aa, se kera mogo-kelen ntola kerun-jo-kono waati ma, o min be wele ko "penaliti". O kerunko duuru-duuru folow si ma wolo furance la Ganankaw ni Konowarikaw ce. Se kera ntolatan ceden kelen-kelen bee ka kerunni ma. Owuliko folofana ma bange

furance la. Owuliko filan de kera "n bawuko" ye Konowari Samaw bolo, k'o sababu k'u ka jo-kolosilia Alen Gomine ka kumbenni sarama ye ganan dolo finw ka ntola kerunnen kan. Osababu dela, Konowariceden wasa donna ntolatankupu sarama 18nan in na. Kupu in, tije na Konowarikaw m'a denjeninta de. Ntolatan waati bee kono, min daminera 1992 san kalo 1 tile 12, kana kunce a tile 26, Konowarikaw y'u ka setigya jira ntolatan senw bee fe. Nka kupu in tali u fe, u ceden kelen-kelen bee no b'a la, bolofa koni b'u ka jo-kolosila Alen Ngomine ta kan. N'i'y'a men n j'on kunnandi, i k'a fo folo ko n sababu numan de.


An b'aw ladonniya, wotekow siratige la ko depitew sigi wotew tuh ka kan ka ke 1992 san kalo 1 tile 26 n'a kalo 2nan tile 9. Nka geleya dow soro o baara sigili la sen kan ka ben waati folen ninnu ma. O de Karima, u bor'u dogo koro k'u bila waati werew kan minnu tun ma dantige folo boko in sebenwaati la. A koni kera don o don ye, jamana nemaa (CTSP ni setigiblon) y'a jira ko bee k'i hakili latige ni jemufanga lataamasenw sigili ye sen kan ka ben ni 1992 kalo 3nan tile 26 ye.

K'an ben boson were.



Don jumen de la sa'anw fana ka cedenw "Bon kamalenw" be ye Afriki ntolatankupu nana in kene kan sa ?

Tumani Yalam Sidibe ko
Bamumanke



An balimaw tubabusan kura jora, fo kalo kelen temenna ka ban. Nka, yanni an ka se an ka korofo belebele ma, an be dugawu ke malidenw bee ye. Ala ka si ni kenye di an bee ma. Ala k'a to san kura in ka na ni here caman ye Mali kono. Ala k'an kisi san masibaw ma. Jlinan peresidan sigi ani Jamana nemogow kuraw sugandili. Ala k'an deme olu ka ke nognfaamuya, jelenya ani tilenne-nya kono.

An balima cikew, i n'a fo aw y'a faamu cogo min, korofo min b'an da nin sen na, o ye woteko korofo ye. Wote kun ye mun ye? Wote joli be na ke? Nafa jumen be wote olu kelen kelenna na? Kabini Musa fanga binna 1991 san kalo sabanan tile 26 fo kana bila bi la, fanga kerenkerenhen sigira Mali kono, o fanga o ye Amadu Tumanai Ture ke Jamana kuntigi ye, ka Sumana Sako ke goferenaman nemogow ye. Fanga kerenkerenhen in ka kan ka Jamana ko nhabofoka taa se peresidan kura sjgili ma. O baara olu, caman kera, i n'a fo jamanadenw ka je-ka-fo-ba min kera 1991 san kalo 7 n ni kafo 8 n nan. O Je-ka-fo-ba, nati k'ye wolo fanta ko konferansi n'ngati, o kurekra iW bennan damadow ye, sariya ta fan fe. Jamanadenw benna sariya damadow kan minnu ka kan ka labato walasa Mali kono mogo-kelen-fanga kana se ka sigi jamanadenw kunnatugun sanko k'o ke kudayi ye. Konferansi nasionali ye sariya jumen ni jumen ta? A folo, o ye wote sariya ye. A filanan o ye politikitonw bolicogo ye. A sabanan, o ye jamana sariyasunba ye, n'u ko a ma tubabukan na ko "konstitison". O sariya sabà sebennan ani ben ke olu kan konferansi nasionalita, fila taara

Ka se duguw ma

Wote ka ca nka a bee n'a nafa don

olu la k'olu boli jamana kono. O kerá wote sariya ani politikiton bolicogo sariyawye. Nka sariya tokelen n'o ye jamana sariyasunba ye, o tun te seka boli ten. Ka masor'a dawula na jeyo b'e cogo min, fo jamaná denw bee, k'a ta minnu si be san 18 ani ka yelen, fo olu bee de tun ka wote, a ka don k'a fo, tije na jamanadenw sonna sariyasunba in ma. Bawo jamana sariya tow bee be tali ke ale de kan. An be yoro min na bi, a sariyasunba fana labatoro. Bawo 1992 san kalo 1 tile 12 don, Malidenw bora ka wote. Jamanadenw caman y'i kan di k'u sonna, k'u bee sariyasunba kura fe.

Wote nafa ka ca. A folo ye min ye jamanadenw bee : ce ani muso, maakoro ani denmisén (k'a ta san 18 ka yelen), bee ka se k'i naniya jira jamana kunkankow la. Jamanadenw bee te se ka laje yoro kelen, nka wote don kelen, bee be se k'i hakilinanta fo. An bee b'a don jamana kunkoba dan te se ka ke sariyasunba doron tali ye. Jamanadenw ka kan k'u hakilinanta fo jamana nemogow sugandili kan, n'o ye dugubaw nemogow tali, ani depitew sigili, ani peresidan tali ye.

O de kama, an ko ko wote suguya ka ca nka a bee n'a nafa don. Sariyasunba wote temennen ko fe, Mali duguba 19 kono mogow fana wotera k'u ka dugubaw nemogow sigi o kera kalo 1 tile 19:

Danfara min be sariyasunba wote ni wote tow ce o ye politikitonko ta fan ye. Jamanadenw te u kan di politikiton mogo ma, bawo o te mogo sugandi. Wote tow bee ye mogo sugandili de ye. Mogó minnu be sugandi politikiton bee b'a ka mogo jira. Jama caman man'a kan di politikiton min mogow ma ka teme tow bee kan, o politikiton mogow de be sigi nemogoya la. Aw b'a don ko politikiton min be Mali kono bi, o be taa fo 48 na. Minnu donnien kosebe, o ye olu ye ADEMA, "CNID", US-RDA, UFD, PDP, UFDP, UDD, PSP... Sariyasunba wote ni dugubaw nemogow sugandili wote ko fe, halibi wote ba fila be ko depitesigi

wote ani peresidansigi wote. Nafaba de be nin wote fila ninnu na. Depitew y'an sigiyorow n'an baarakoyorow Mogó sugandilenw de

ye, minnu be jatemine ke an kunkow n'an haminankow nebocogo la. O la sa, bee ka kan k'a don ko mogó ninnu togo dilen be politikitonw fe. Walasa n'i be wote don min na i dalen be nin na. O de kama fana mogow ka kan ka bo ka caya bawo ni min ma wote a be se ka ke mogow be wote mogó ye min te se ka jama kunko nehabo.

Ni depitew sugandira, wote to be to peresidansigi ma. Politigi ton minnu b'a fe u ka nemogó ka ke jamanakuntigi ye, o ton olu bee kelen kelen ka kan ka miliyon duuru sara jamana ye. O kofe peresidan wote waati be fo.

Depite wote ni peresidan wote be ke siye fila. Siye folo, politikiton min ka mogow mana teme 50% kan olu be sigi depitewa la. Ni politikiton si ka mogó ma 50% soro siye folo la, wote filanan be ke. O la ton min ka kan soro man a caya ni bee ta ye, hali n'o te 50% bo, o ton mogow be taa ka ke depitew ye. Peresidan sigi fana bo cogo la.


An ka kuma laban, o ye ko peresidan, ani depitew, ani duguba nemogow be sigi ka san duuru de ke. N'o sanduura dafara wote kura be ke. N'a y'a soro ko mogó sugandilenw ka baara nena, jamanadenw b'ukandi u ma tugun. N'a y'a soro e peresidan wo, e depite wo, e duguba nemogó wo, olu si ka baara ma jamanadenw diya, u n'a u kan di mogó kura wérew, ma. Wote to tora dipitew ni peresidan ta ye. Wote dogo folo minnu tun sigira, olu ma se ka tiime.

Nka yanni kalo fila ni saba ce wote to fila bee be na ke. Walasa jamana nemogow ka ke jamanadenw sagonanmogow ye.

Salifu Berete

"OHV" Kunnafoni**Otiwale "OHV" (Ba Jolibamini yiriwali baarada)**

Ibrahima Kante
Otiwale balikukalan
bolofara nemogo



"OHV" konna ka senekelaw kumajogonya u yere ka netaabaaraw sabatisira ninini na.

Otiwale yiriwali baarada sigilen bë serekili naani de kono :

- Bananba
- Kulukoro
- Kati
- Kangaba

Sekiteri tan (10) de bë Otiwale baara da kono :

- Welesabugu
- Guwani
- Dangasa
- Kangaba
- Bankumana
- Kati
- Kulukoro
- Sirakorola
- Bananba
- Boron

• **Welesabugu** zafu kalandenw bëe lajelen ye : 2527 ye, cew ye 1565, musoye 962 ye. Karamogobëe lajelen ye 216, cew ye 194 ye, musow ye 22. Kalanden jolenw ye 478 ye, musow

ye 10 ye o la. Ninan, Welesebugu zafu kalanden jolenw ye koori koloma min san, o benna T. 1896 ani K 485 ma. U joyoro kera sekiteri mumé kono T. 100 o 100, Balikukanforo hukumu kono, kalanden jolenw ye tari 63 sene no la, tari 19 koori la, tari 3,75 malo la. Geleya min bë Welesebugu zafukuntigi kan, o de ye kalansow te kalan ke ka wasa an ka sanjenajeko koro w kewaati la ani kono ya waatiw.

• **Guwani** zafu kalandenw bëe lajelen ye : 1595 ye, cew ye 1203 ye, musow

ye 392 ye. Karamogow ye 104 ye, cew ye 90 ye, musow ye 14 ye. Kalanden jolenw ye 245 ye ; musow ye 11 ye la. Ninan, Guwani kalanden jolenw ye tari 5,050 sene, u ye wari min soro o koori ni o jo feerelen ko, o benna d. 78.387 ma. Ninan, Guwani, zafukuntigi ye geleya min soro o kera sannifeereminew labobaliya ye duguyiriatonw kono, sannifeerekanlan waati la. Kalanden do ka tungataa fana kera a ka geleya do ye. Ninan, sannifeere hukumu kono, Dangasa kalanden jolenw ye sanni min ke o benna T. 720 ani K 546 ma. U ka balikukanforo seneta benna t. 5.720 ani k. 857 ma, wari min soro la o jo feerelen ko, o benna d. 480 981 ma. Kalansen teliman hukumu kono, dugu 11 y'o ke. Kalanden minnu y'a ke, o tun ye mog 257 ye, musow tun ye 38 y'o la. Zafukuntigi ye geleya min soro, o tun ye jate gafe labobaliya ye kalanso do kono.

• **Kangabazafu** kalandenw bëe lajelen ye 2 052 ye, cew ye 1724 ye, musow ye 328 y'o la. Karamogow ye 174 ye, cew ye 140 ye, musow ye 34 ye. Kalanden jolenw ye 222 ye, cew ye 210 ye, musow ye 12 ye.



Kalansow ka ca "OHV" kono cogo min, kalan matarafa baara fana ka ca ten.

"OHV" Kunnafonni




"OHV" nemogow haminanko belebele ye musow ka netabaaraw sinsinni ye.

Dangasa. Ninan, Kangaba kalanden jolenw ye t. 794 ani k. 353 san koori kolomala. Uka balikukanforo seneta benna tari 22,25 ma, u ye toni hake min sorro la, o benna t. 19 ani k. 537 ma. U ka wari sorota kera d. 246 341 ye. Geleya min be Kangaba zafukuntigi kan, o ye kalanden ni karamogow ka tali ye damada la, kalansow lakoonyali o waati la.

- Kati zafu kalandenw ye 1 149 ye, a karamogow bee lajelen ye 84 ye. A kalanden jolenw ye 61 ye. Sannifeere hukumu kono Kati zafu kalanden jolenw ye t. 222 ani k. 952 san koori koloma la. U ye sugukomasegin sorro la, o benna d. 364. 723 ma. Balikukanforo taasira kan u ye tari 13,5 senne no na. Geleyaba min be Kati zafukuntigi kan, o ye musow ka kalanko ye. Cew ka keleya y'a to musow ka kalanso ma caya. An ka d'ala ko kalanbaliya ye dibi ye, cew ni musow bee ka kan kalan na. Donni mankan ka to fan kelen fe.

- Kulukoro kalandenw bee lajelen ye 443 ye. Cew ye 345 ye, musow ye 98 ye, karamogow ye 45 ye, musow ye 9 ye, kalanden jolenw ye 55. Sannifeere hukumu kono, kalanden jolenw yet. 125 ani k. 312 san, u ye min sorro u ka sugukomasegin ye, o benna d. 45 198 ma.

Karamogo 19 ye "Agorometewo" kalanke, walasa ka se sanjhake binnen



Dun-ka-fa sabatili Mali kono, o ye "OHV" ka niniko ba ye.

tali la ani senekewaatiw donni.

- Sirakorola zafu kalandenw ye 557 ye, musow ye 67 y'o la. Karamogow ye 43 ye. Kalanden jolenw ye 108 ye. Balikukanforo seneti kadara kono, Sirakorola kalanden jolenw ye t. 2.998,3 senne.

Wari min sorro o la o benna d. 84 608 ma. Geleya min be zafukuntigi kan, o ye Balikukanforo jekulu bee't'u ka baara ke a cogo la. Kalansow kolosilibaliya ani karamogo demeni walasa u ka baaraw be noggoya u ma cogo min na.

- Bananba zafu kalandenw ye 361 ye, musow ye 80 y'o la. Kalanden jolenw ye 90 ye. Balikukanforo senne hukumu kono, u ye k. 101,9 senne no na, u ye wari min sorro, o benna d. 2.417 ma. Geleyaba min be Bananba zafukuntigi kan, o ye karamogow ni kalandenw ka tungataali ye.

- Boron zafu kalandenw ye 351 ye, musow ye 10 y'o la. Karamogow ye 28 ye. Kalanden jolenw ye 23 ye. U yetari 25 senne balikukanforo ladonni hukumu kono. Geleya min be Bananba zafukuntigi kan :

Geleya kelen de be Boron zafukuntigi kan, karamogow ni kalandenw ka tungataali.

Ibarahima Kante
Otiwale balikukan bolofara Nemogo

MAKOCI Kunnafoni

Kafo jiginew n'u bolofaraw "jiginew" labaara sariya

Sariya folo : Nefoli

"Jigine" ye wari lamara jekulu de bolofara ye min be jurudon fana ke n'a tonden be ka wari be mara a biro la. A sigikun ye de ka se ka lamini wariw lamara anik'u labaara tondenw ka danma mako n'u je makow sira fe sigida kono.

Ale de ye jekabaara sira folo ye sigida kono warimara ni jurudonyoroko siratige la, a baaracogo n'a tondenw joyoro kun kan.

Sariya filanan : A sigicogo

Jigine be se ka sigi sen kan dugu kelen mogow fe. Misali la, duguyiriwatou min jama ka ca. Dugu caman fana be se ka ben ka jigine sigi sen kan u ka dugudenw ka nafasoro kanma. O koson jigine ye fen ye min nafa te se ka se mogo were walima dugu were ma f'a sigi senkan duguw mogon. N'a y'a soro sigida kinw ka ca walima a duguw, o kin walima o dugu kelen-kelen fana be k'a danma bolofara biro ye jurudonko la.

Walasa jigine ka se ka lakodon kafo jigine bolofara do ye a ka kan a ton duguw walima a duguyiriwatou kafolenw jama hake ka mog 5000 bo, ani k'a lakodon MAKOCI neci fe u ka nafolo labaaracogo numan kanma. O tonw ka kan ka jen ni jigine lawaleya so musakaw boli ye.

Ni jigine sigira sen kan yoro min na doron, sanni a ka baaraw damine, kafo jigine be a ka bolofaraya yamaruyaseben kalan folo ani k'a jekulu duguw pereperelatige, a be kuma a nemaaw jogo kan ani a labaara bagaw ka baarabolo.

Sariya sabanan

Mogo o mogo, n'o be jigine jekulu duguw kono, o be se ka k'a tonden mogo ye k'a soro jate ma mine a ceya n'a musoya la ; a ka baara ; a siya ; a ka politikisira walim'a ka dinasira. Nk'a ka soro a be nin wale ninnu dafa :

1 - A ka se k'a tondenwari d.1000

sara siye kelen walima sarako caman kono

2 - A ka wari lamarata dogoyalen ka ke d.400 ye,

3 - A ka na ni foto fila ye walima a k'uta dugu kono fotolaw fe (d.100)

4 - A k'a tinetabaga walima a tinetabagaw jira n'a ker'a saya ye.

wari lamaralenw b'u tono don kalo saba o kalo saba, n'o ye 1% ye (tama 1 mugan na).

Bangebaaw be se ka "kontu" dayelen u denmisenniye. Mog gansanw walima jekuluw fana be se


jigine kono, i be se ka julu nini k'a soro bolofara juruko jekulu ka dijen doron kanma, nin sababuw la :

1 - i k'i ka nafolo maralen ke garanti ye walima i ka nafolo do ladon lamarali kama min b'i ka julu nininen 10% bo (d. 2 mugan na).

2 - i ka nafolosowaati makonon walasa ka julu sarali damine, a n'a tono jigine ye.

3 - i ka dijen ni julu sarawaatiw kuntaala ye ani a dankan tono sarata ni benkan musaka werew sarali.

4 - i ka se ka tono soro i ka wari



Kafo jiginew labaaraso ka kan ka ke yoro da sabalilen ye dugu kono.

ka ke jigine tigiya jamakulu la. O la, bolon saba beda "kontu" dayelenyoro la. Bolon fila fana be soro walasa o "kontu" o ka labaarali damine.

Ni jigine be na wuli, wari lamarala be se k'a ka "kontu" datugu ani k'a ka wari lamaralen n'a tono nini n'a y'a soro wari be jigine kono.

N'a kera tonden ka sayako ye a tinetabaga jiralenw b'a ka wari n'a tono tigiya ke.

Nka fen min ye tonow ye minnu be d. 200 jukoro, olu be ta yoronin kelen demenden kadara kono.

Sariya naaninan.

tonden fen o fen n'i be wari mera

lamaralen kan kalo saba kono min b'i kajulu nininen yamaruya n'a betemen jigine ka sigana musakadaw hake tilanyoro kan.

5 - ka dijen ni jurudon jekulu ka taabolo ye n'a b'a fe i ka mogo werew ka soro, walima garanti were ka soro julu ninina bolo.

- Sariya duurunan : sendonni nafolo labaarali la

Tonden kelen-kelen yamaruyalen don, a kafisa yere :

- a ka kunnafoni nini a ka jigine kan. A be ye jigine tondenw ka kunnafoni dikeneb kan, awa a be ye, san o san, jigine biro mogow sugandikene kan, minnu be taa jigine togo la kafo

MAKOCl KunnafoNi

jigine nōgonyekēnēn kan.

O siratige la, joyorōkelen bē tōnden kelen-kelen bolo wotekēn kan, a ka wari lamaralen kera hake o hake ye. nōgonyew sen fe, mōgo kelen-kelen bē se k'a hakilinanta fo.

Sariya woɔrōnan : wajibya minnu bē tōndenw kan

jigine ye kafo jigine bolofara de ye, o kanma bē jefen de don. A sigira sen kan dugumōgōw bē se fe. O n'a ta o ta a kōnō wari te se ka don mōgo kelen sogonnada fe k'a sōrō o ma ke jigine jurudon sariyaw kadara kōnō.

Gundo ka kan ka sigi mōgo kelen-kelen bē ka wari lamaralen hake kan. A dōnbagaw ka kan dōron de ka ke wari ladonna ye, o min b'a sēben, ani sēgesēgēlikēlaw, olu minnu b'a kōlōsi.

Mōgo o mōgo mana gundo fara, o bolobē b'a ka baara la, a bē se ka gen ka bō jigine tōndenya la o sababu kelenna. O bē cogo min na, juru donneñ fana b'o cogo kelen na. Jurudon jekulu mōgōw doron ni jigine peresidan ani wari labonbaga de ka kan k'o hake dōn.


Mōgo o mōgo mana juru donneñ kunnafoNi labōgundo la, o tigi fana bē se ka nāngi i n'a fo a fōra san fe cogo min na.

Nka ni mōgo min ka juru sarawaati bē temenna k'a sōrō a m'a bo a sira fe, ni sigana yera a la, o la jurudon jekulu bē se k'a ka juru hake fo kēne kan barisa mōgo don min bē balo tōw woɔsi la. Ale ni genni yere ka kan ka bō tōndenya la.

- Sariya wolowulan :

Tōnden jekulu ka nōgonye jigine mōgōw b'u ka biro mōgōw sugandi cogoya la, min b'a to jigine kelen tōn dugu bē kelen-kelen mōgo bē sōrō biro la.

Biro mōgo hake dōgoyalen ye mōgo 6 ye. A cayalen ye mōgo 10 ye. u bē sigisan 3 kanma min bē se ka rōkuraya tilan saba la (san 1).



Senyerekōrō nafoloko ni sumanko la, o de ye cikela ka niniko ye

Wari labaarabagaw (mōgo fila a cayalen), danaya bē min kan, an'o dēmenbaga, olu fana bē sugandi tōnden jekulu fe. U ka kan ka sugandi biro mōgōw la.

San fila fōlō kōnō, mōgo bōtaw ka kan ka ta kalafili sen fe walasa bē joyorō ka sōrō.

Biro mōgōw bē peresidan kelen sugandi u yērew la min bē ke jigine nēmaa ye dugu kōnō n'a bē biro ka sariya talēn labaara. U bē kesu labaara jekuluw fana sigi.

Peresidan ni biro mōgo tōw de ye jigine kunkanko kuma fōbagaw ye. Jigine kōnō sabatili b'olu de bolo. Uka kan fana ka to k'u ka baara kēcogo nēfōdugumōgōw nēna n'olu y'a kanu. O nēfōli dōgoyalen ye sijē fila ye san kōnō.

Kafo jigine ka kesu labaara jekuluw ka nōgonyew sen fe, bolofara jigine kelen-kelen bē ka ciden bē wote n'a ka bolofara tōn dugu hake kan ye.

- Sariya seeginnan : wajibya min bē biro mōgōw kan ani kesun ciden.

Ni dugu min mōgo sugandira ka ke jigine biro mōgo ye, o mōgo o b'a kali k'a bē baara ke kesu de ka yiriwa kanma, dugumōgōw bē ka nafa sira-tige la, k'a sōrō a ma du bo du la walima ka mōgo bō mōgo la.

A b'i kali k'a te warikow gundo bōrōtō ani fana k'a te dugumōgōw ko

don nōgon ma ni juru donneñ gundo bōrōtōlō ye.

A bē jen n'a ye fana ka banki baa-raw kēcogo kalan ke walasa a bē se k'a baara matarafa a ne ma.

Biro mōgōw bē jen n'a ye fana ka dugumōgōw lafaamuya tōnōw sōrōcogo la wari lamaralenw la. U b'o baara n'u ka baara fōlēn kōrōke nōgon fe.

Peresidan dankanw minnu bē bolofaraw dōw tōgo la, olu bē se ka peresidan dēmen a ka baara keli la walima k'a joyoro fa yere n'a bolobali-en don.

Sēben nēnabōla n'a ka dankan bē nōgonye sariya talēn sēben ani k'u lawaleyali kōlōsi.

Nafolo kōlōsila n'a ka dankan ka baara kērenkerēnen ye wari labaarasiraw de kōlōsili ye ani kesu lahalaya dōnni ni wariladonna ka baara kēcogo ani jigine lakanani.

Warilabaara kōlōsibaga bē kesu minēn labaariali kōlōsi ani k'a nini ka tōnden bē sago sōrō jigine na. Juru kōlōsibaga ni peresiden ani duguyiriwatōn kelen-kelen bē mōgo kelen de bē je ka jurudon jekulu sigi sen. Duguyiriwatōn tōgōlamōgō don-kun ye jurudon jekulu la, a ka dugu - kōnō - mōgo ka fen nininen nēnaboli ye. Tōnden jekulu bē kōlōsili jekulu jekulu dō fana sigi sen kan min bē kuma "kōntukow" kan tōnsigiba sen fe.

MAKOCI Kunnafoni



Koori ye cikela ka nafolo juon ye.

Sariya konontonnan : Biro mogow ka baara

Biro mogow sigikun ye jigine lanagali de ye an'a labaariali, u ni kafo jigine ka mogo faamuyalen be se ka min ke ani je-ka-baara jekulu (CEECCM) mogodo.

Nka biro de koni ye jigine tondenw ne sigiyoye jigine baaracogo numana. Biro de ka kan ka feere bee sigisen kan walasa jigine ka dugumogow nafa. Mogoo mana ke delege ye biro kono, o ka kan k'a feta fo biro kono geleyakow kan n'a ye minnu kolosi.

Biro kono mogow be a ke cogo bee lawalasa ka jigine dayelen yoyonuman na, k'alakana, ka jigine dayelenwaatiw n'a donw sigi. U be wari labenbolo kolosi.

- U be wari ladonbagaw sugandi u be se ka minnu ladiya n'u'y'u ka baara ke a cogo la.

U be a ninikaga be jigine jekulu la. U b'u bee bilasira fana ni ladilikan jongon ye u ka wari labaarcogo numana walasa juru kana kanna fu u te se ka min sara.

Biro mogow be u ka baara lahala fo jigine tondenw ne na jama nogonyew sen fe. Okunnafoni dogoyalen be ke sine fila ye san kono.

Mogo minnu delegelen don jigine kono olu b'u ka kafo jigine "kontuw"

lahala di jigine baara kolosi jekulu ma.

Sariya tannan

wari ladonbagaw be sugundi biro mogow fe. U be yamaruya kesu baara kolosi jekulu fe, nka u be baara ke biro de ka mara kono.

U te taamabolo soro mogo werebolo, awa mogoo mana a jini k'i sendon u ka baara la u b'o kofo. O kera mogoo mogoye, sira o sira o sira fana kan.

N'a y'a soro nogonsosoli be baara dilenw la u ma kafo jigine fe walima biro, u be se k'o fo. O la u ni baara dibagaw be sigi-ka-fo ke walasa k'a don u ka kan ka baara minnu ke. U ka kan k'u ka baara keta kalan ke ani k'a faamu. U be nininka wari tununen bee tununi na u ma min da peresidan, walima wari kolosibagaw, walima segesegeli kelaw tulo kan a waati la.

N'u ma baara ke o cogo la, u bolo be se ka bo baara la, walima k'u ka ladiyali wari dita tige u la, minnu tun yamaruyara u ye.

Sariya tan ni kelenna

Jigine ka ladala jurudonsiraw be bolofara kelen-kelen bee ka bolo kan, kerendkerenneya la jurudon jekulu min mogohake wajibiyalendon ka ke mogo 3 ye, walasa juru donnennw ka fo

gundo la. O mogow ye :

- jigine peresidan
- jigine juruko nenabobaga
- Aniduguyiriwaton kelen-kelen bee ka mogo sugandilen kelen min sigikun ye a ka dugukonmogo ka juruko kuma fobaga ye. A b'a feta fo juru ninibaga jogokan ani omakohanwari tigi-tigi juruko la.

Ale ka dije be jate i n'a fo duguyiriwaton sonni ka ke juru ninibaga ka garanti ye. A ka kan k'i ban juru bee donni ma duguyiriwaton tun te son ka min don juru ninina na. N k'o n'a ta bee, peresidan ni juruko nenabobaga be se k'i ban juru dd' donni ma hali n'a y'a soro o tigi be duguyiriwaton ka delege sonna o ma a ye.

Jurudon jekulu ka ko latigelen te se ka bo a ma. Walasa ka balana juru fitiinin dongsiraw sigi sen kan, jurudon jekulu be se k'a ka baara keli yamaruya di peresidan kelen ma walima juru nenabola kelen, min be se ka d. 4000 walima 2000 juru donni ko latige a yere ye.

O yamaruyaliw be seben jigine labaara jekulu ka ko latigesebenba (R2) kono.

O kadarakono mogo yamaruyaleh be se ka jurudon k'a yere ma, nka o be ke ni balanako binna juru ninibaga kan (i n'a fobana). O la, ale bolonoye be juru ninibaga ta da fe juru donseben kono.

Nka ni juru don min wari hake cayara ka temen jigine ka sigana juru wari hake kan, juru niniseben be k'o la min be lase kafo jigine nemogoso la Kucala:

O be soro ka juru niniseben o (F4) ne 2n bolonoye sanni wari labo su guya bee ce.

Sariyatani filanan : jigine labaara jekulu walima jurudon jekulu ka jurunini.

Ni biro mogo min walima jurudon jekulu mogo min be juru ninin, o tigi te se ka ke ko latigekene kan. O la, juru

Ofisi Kunnafonni

donni yamaruya bē latige biro mōgō tōw fe k'a bo juru ninina yere la. Ko latigeli gundo ka kan ka matarafa

Sariya tan ni sabanan : juruw sara-cogo

Jurudon jekulu wajibiyalen don ka ke julu sarabaliw kalama minnu sara-waati temenna. A bē juru kanni jurumahitigi la minnu ka juru sarawaati temenna ni kalo kelen ni kō ye. A bē dugu ladonniya tijenew la. Ni jurumanitigi y'i ban juru sarali ma, jurudon jekulu dōrōn de b'a da dugu tulo kan.

Sariya tan ni naaninan : jurudon-taw hake

Jekulu de bē juru donta hake sigi kesu walima jigine kelen-kelen bē se ka min don n'a te k'a ka binni ye. A kac'la, o hake o man kan ka temen dugu-kono-kesu wari kuuru tilanko duuru kan.

Jekulu (kafo) bē juru kuuru hake sigi jigine man kan ka temen min kan sankelen kono. A kac'la o juru donta hake man kan ka temen wari lamaralenw 40% kan, minnu bē soro kesu kono kalo 4n tile 30 don. Nka kafo jigine nemogoda kuntigi bē se ka yelema don o sira la.

Sariya tan ni duurunan : kecogo kafo jigine bolofara ye

Jigine kelen-kelen bē son a ma k'u bē baara ke kafo jigine ka sariyaw n'a taabolo kadara kono.

O siratige la kafo jigine bolofara jigine kelen-kelen bē bē jen n'a ye :

1 - ka a tōndenw ka wari lamaralen tilan duuru sigiyoroma fila lamara kafo jigine kono. Kalo saba labanw la kesu kono wariw bē jatemine. o nokan kalo wariw bē ladon jigine bolofaraw fe.

2 - ka dijē n'a ye ka wari bila kafo jigine ka bolo kan min laboli t'a yere mako sa : O wari o bē bila lamarali kadara kono min b'a tōnō don. Jigine yere bē se ka wari in bila kafo jigine ka bolo kan walima a b'a ke besu ka sira fe. Tōnōdon in bē ke lawarali ta ye bankiw ni nōgōn ce (sisan o ye d. 1 ye mugan na) ; (d. 2 jurutalaw ka sarali la).

3 - k'u ka cidenw bila ka taa kesu jama - nōgōnyew kene kan - kesu yere b'a ka cidenw bila ka taa kafo jigine nōgōnye kene kan.

4 - Ka kafo jigine ka taasiraw lataama minnu sigira sen kan kesuw n'u tōndenw ka nafa kanma

5 - ka kafo jigine ka wari bē lasegin a ma, o bē minnu don a musaka

da fe.

O siratige la, a pereperelatigelen don ko kafo jigine bē baara ke nin sira ninnu kan:

a) ka jiginew ka biro mōgō n'a wari ladonnaw hakili dayeñen ani k'u lakalan kesu labaarali la

b) ka kesun ka baara kecogo ke kelen ye

c) ka kesu ni jiginew kolosi ani k'u wariko kunnafoniw kafo yōrō kelen

d) ka wari layemaniw sira kolosi

e) ka tōnōwariw labaara

f) ka ju donta hake sigi

g) ka baara kela tata hake sigi ani u ka sara wari

h) ka musaka dondaw kolosi baara papiyeko ni minenw ka sira fe

i) k'a joyōrō fa jigine bolofara mōgō deselēnw walima baara dōnbaliw minecogo la.

kafo jigine baarada min sigira sen kan erōpu jekulu duuru fe, bē demen ni kolosili ke ka nēsin jigine bolofaraw ni kesuw ma. O bē ke kesuw yere ka mōgō lasigilenw ka sira fe kafo jigine kono. Fo ka se miliyon 25 hake, la Eropu baarada o y'a kan di k'a bē se ka nīne wari bilalen fōlō kō jiginew ka bolo kan garanti kadara kono.

O demen wari o labaarali dulonen don baara jekulu in ka lasigiden ka jen na (kafo jigine ka sariya 32).

- Sariya tan ni wōrōnan :


kesu ka wari bilali dulonen don a bolofara kesu bē cogoya la.

- Sariya tan ni wolonwulannan

Jurudon kesuw bē ka nētaa demen wari bē bila kere fe kafo jigine kono.

Kesu bolofara bē bē to k'a ka san soro 20 % (d... 4 mugan na) bila kafo jigine ka bolo kan o demen wariko kanma. O bē to sen na f'a ka wari bolen ka kafo jigine baara demen jekulu ka demen wari hake soro, o ye min bil'a ka bolo kan.

Bayelemabaga
Tumani Yalam Sidibe



MAKOCI kunnafoni

"Jenekaba dugu kunnafoni"

Jenekaba ye duguyiriwaton de ye, a be bamanantun kafoyiriwaton fe Masiki marala. Ani Masikice ye kilometere 35 ye.

A kera duguyiriwaton ye san 1980.

Cikeda mogo 19 de be a dugu kono. O tilalen ye kulu 3 de ye.

Kulu foto mogo : 6

Kulu filanan mogo : 8

Kulu sabanan mogo : 5

Senekeminen kunnafoni :

Dabafin : 20

Daba nana : 13

Wotoro : 13

Dannikemasin : 8

Pili ponepe : 10

Poneba : 2

Sanji nali kunnafoni san saba kono :

San 1989							San 1990							San 1991						
Aw.	me.	zuw	zul	uti	set.	oku.	Aw.	me.	zuw	zul	uti	set.	oku.	Aw.	me.	zuw	zul	uti	set.	oku.
3	7	9	9	18	9	3	1	3	9	13	13	14	7	4	7	7	9	15	9	-
San 1989 mune = 58							San 1990 mume = 60							San 1991 mumé = 51						

Dugu juru san saba kono

San 1989 juru hake : 454645

San 1990 juru hake : 494552

San 1991 juru hake : 550428

Dugu forow kunnafoni san 3 kono

San 1989		San 1990		San 1991	
Senefenw	kene hake	Senefenw	kene hake	Senefenw	kene hake
koori	41	koori	41	koori	49
kaba	35	kaba	40	kaba	42
no	63	no	82	no	20
tiga	8	tiga	10	tiga	15
bene	1	bene	2	bene	2
gerekamalo	15	gerekamalo	18	gerekamalo	22
bagan dumuni	3	bagan dumuni	4	bagan dumuni	5

Koori soro mume san 2 kono

San 1989				San 1990			
senefen	kene hake	soro mume	tari soro	senefen	kene hake	soro mume	tari soro
koori	41	52840	1288	koori	41	70320	1715

Nakobaara be ke dugu mogow fe. Mangoro ju 250 be soro mogokelen fe noye Laji Umaru Togola ani Lemburuba ju 72, buyakiju 27.

Bamanantun kafo yiriwaton kuntigi
Tanba Konate.

Seko ni dɔnko kene

Ladilikan

bamananw ko :
 ko mogo te da mogo la gasan,
 ko mogo te tige mogo la gasan :
 je de be na ni danaya ni tige na ye .
 Mali wooroduguyanfan senekelaw ni
 Makoci jera kabini waati jan.
 n balima senekelaw, miribaa be siran
 mun ne je kono ?
 Farako juguya
 Senekelaw an k'an miiri an ni MAKOCI ka je la
 Ni koroen fo ye kura ntanyan yen ala kana an
 dese kura numan caman n'a je in kono
 n ka ni ne ma nina, u ko, ko ko bee na waati,
 ko si waati sebali te karaba.
 Kurun kono mogo bee haminako ye ba tige ko numan ye.
 Ni mogo min y'i hakili jagab MAKOCl ka baaraw boloda cogo
 kuraw kan,
 i hakili b'a soro ka fo ko MAKOCl ni senekelaw ye fa kelen denw
 ye,
 n'o ye goferenama n'a demebaga numanw ye.
 ko den t'a fa bololankolo don.
 nka den hakilima ka kan k'a fa segennen don.
 MAKOCl ni senekelaw an k'an jigi ke nogon ye,
 ka ko to nogon ye ka ko to nogon ta la badenya in kono, ka to an
 hakili la ko jigi ka fisa ni don kelen fa ye.
 MAKOCl ni senekelaw jigi ye nogon ye n'anw delila ka da nogon
 na, n'anw miirinakow ye kelen ye, n'anw ka here ni bonew ye
 kelen ye,
 an kana tige nogon na gasan.

Jiriba Jalo
 kangoni hakoyiriwaton, Beleko



Den be san

Fen te fen min bo, jigi te jigi min bo, haminko te ko
 min bo : den. Kalifa don, o koro ka dun. Joronankoba
 min be senna o ye kalifa ladonni ye.

Ni den be kasi, a be lamen ani ka a jaabi. Nka o
 koro te ko ni a ko min o be ke, sabu denko te nkoso
 ka denwolo ye : Mali yele malu geleya fanba, hakili ko
 don. Mankan min, denmisew kasikan ani u murutili
 kuma n'a walew, be kalansow kono, lebu don : bi
 nani, ani sini kasaraw. Hun ! Alaci ani kenyereye
 baara kebaliya fili donna an kan : kalan min ye an
 danbew josen folo ye, denmisew ye o muruku. Anw
 dun sigilen be. O ce ma ni.

Ka a ta konferansi nasiyonali la ka se bi ma bolo
 ani da sera ko caman ma lakoli ko la. Nka san fila na
 dagun kalan jenjen ko.

Haali : kalanso lakika, karamogo, kaladenw lawa-
 sali dogniya soroli nasiraw la, o ye wajibi ye mansaw
 kan. Tinédon ni folenw sabatilente. Nka kasikan min
 be ani kulecogo min be senna, o be denfaw, denbaw
 ani den korobalenw ka den fili ani yere lanogo de fo.

N'i ye a men ko katigelen, kuma de kera do fe ka
 dese.

Politigi, ko jugu numan de don : guerneman,
 pariti, jamanatigi, minisiri, jen don ? An kelen kelen.
 O la an ka den songo bo, bee n'i seko :

- folo, ka denw naani ni cen sira ye, lafamuyali k'a
 fo ko bonya, ko : diyane ko ani senmako kelen te.

- filan, ka ko nabali ci ka bo denw bolo, k'a yira
 u la sonsumla, ko mogo te jo i son fen na wala ka
 koro i son tuma koro.

- Sabanan, a te ben mogo si ka an den ke dahirime
 sorofen ye, walima i kewale jugu ko fe, ka den ke kun-
 nabiri ye.

Lakoli ani baaraw bee, ani nogon mako to, ani here
 sigida la, ani jamana kono, nin bee dulonnen don
 nogon na.

Ni kalan cenna denko banna, jigi jasira, sini dun ?

Zan Samake
 Lakolikaramogo 'LPK' la, Bamako